

Awetardi Formador lo entrega e lista di e 9 ministernan na gobernador

Gabinete Mike Eman 2 ta cla



1. Mike Eman



2. Benny Sevinger



3. Mike de Meza



4. Otmar Oduber



5. Paul Croes



6. Arthur Dowers



8. Michelle Hooyboer-Winklaar



9. Juan David Yrausquin



11. Alex Schwengle

ORANJESTAD(AAN): Gabinete Mike Eman Dos lo consisti di nuebe minister. Asina formador a saca su conclusion despues di simannan largo di reunion cu gremionan y gruponan cu a reuni cu formador.

E informacionnan acumula pa formador a conduci na e decision aki. Tabata tin masha hopi speculation despues cu a tende cu ta amplia e gabinete cu dos minister mas.

A cuminsa tende cu lo reshovel e ministernan cu nan cartera. Finalmente despues di algun reunion a carteranan a worde reparti y dialuna atardi mas tarda formador lo yega na portanan di Kabinet di Gobernador Fredis Refunjol pa entrega su lista di ministernan pa su gabinete di cuater aña.

E intencion ta pa entrega e lista y hiba un combersacion di mas of menos un ora of algo mas cu un ora.

Na 2009 formador Mike Eman a sali di gobernador y nombra mesora na prensa kendenan tabata su ministernan. E biaha aki e intencion ta pa anuncia su horario di bay gobernador pero cu e lo kier duna e conferencia di prensa mesora despues na bestuurskantoor y cu presencia di e nuebe ministernan.

Kizas e por bira algo imposibel mirando cu sigur lo tin presenta sperando pafor di Kabinet di Gobernador.

E gabinete Mike Eman Dos di Nuebe-minister lo bira lo siguiente:

1. Mike Eman: Prome Minister di pais Aruba

2. Arthur Dowers: Minister di Husticia, Verslavings Zorg y IASA.

3. Otmar Oduber: Minister di Turismo, Cultura cu Agricultura Cria y Pesca ta bay hunto, Ministerio di Transporte.

4. Michelle Winklaar: Minister di Enseñanza, Enseñanza pa Adulto, Maneho di Famia.

5. Alex Schwengle: Minister di Salubridad Publico y Deporte, Cuido di nos grandinan.

6. Paul Croes: Minister di Asuntonan Social y tambe Labor.

7. Mike de Meza: Minister di Economia, Companianan di Utilidad y NV di Gobierno,

Energia y Medio Ambiente.

8. Benny Sevinger: Minister di Infraestructura y Estranheria.

9. Juan David Yrausquin: Minister di Finanzas y Reformacion di Gobierno.

Lo keda pendiente awor pa e momento cu formador lo yega na gobernador pa asina haci e anuncio oficial. E ministernan cada uno tin nan tarea pisa pa bay haci mirando tur e informacionnan cu a worde acumula pa formador durante su encuentronan.

E puntonan acumula aki a worde ventila caba na e futuro ministernan durante e proceso di e formacion di e gabinete. E stage dilanti di bestuurskantoor tambe ta cla y esey nifica cu ta warda e momento yega pa asina oficialmente cada minister sali publicamente den pueblo.